



საერთაშორისო კონფერენცია „დემოკრატია, კანონის უზენაესობა და ადამიანის უფლებების დაცვა ევროკავშირში“

კონფერენცია ეძღვნება ბათუმში იურიდიული განათლების 30 წლის იუბილეს

ბათუმის შოთა რუსთაველის სახელმწიფო უნივერსიტეტი,
იურიდიული და სოციალურ მეცნიერებათა ფაკულტეტი

ბათუმის შოთა რუსთაველის სახელმწიფო უნივერსიტეტი, იურიდიული და სოციალურ მეცნიერებათა ფაკულტეტი, ჟან მონეს კათედრის ორგანიზებით, დაინტერესებულ პირებს იწვევს საერთაშორისო კონფერენციაში „დემოკრატია, კანონის უზენაესობა და ადამიანის უფლებების დაცვა ევროკავშირში“ მონაწილეობის მისაღებად, რომელიც გაიმართება 2023 წლის 29-30 სექტემბერს ქ. ბათუმი.

კონფერენციის ფორმატი

კონფერენცია ჩატარდება ქ. ბათუმში 29-30 სექტემბერს, ბათუმის შოთა რუსთაველის სახელმწიფო უნივერსიტეტში. კონფერენციაზე არ არის დაშვებული ონლაინ პანელები. ყველა ინდივიდუალური მოხსენების ან პანელის ავტორმა საკუთარი ნაშრომები უნდა წარმოადგინონ ბათუმში პირადად. წინასწარ რეგისტრირებულ სრულად ჩამოყალიბებულ პანელებს დისტანციურად შეიძლება შემოუერთდეს მომხსენებელთა მხოლოდ შეზღუდული რაოდენობა, შემდეგი წესების მიხედვით: თითოეული პანელის თავმჯდომარე უნდა დაესწროს პირადად. თავმჯდომარე უნდა გახდეს პანელის ონლაინ მასპინძელი და პასუხისმგებელი დისტანციური პრეზენტაციის ტექნიკურ უზრუნველყოფაზე. 4 წევრიან პანელებზე ერთ მომხსენებელს, ხოლო 5 წევრისგან შემდგარი პანელებისთვის ორ მომხსენებელს შეუძლია დისტანციურად დასწრება.

კონფერენციის სტრუქტურა

კონფერენცია გაიმართება პლენარული და პანელური სესიების ფორმით. პლენარული სესია გულისხმობს 1-2 ან მეტი მოწვეული სპეციალური სტუმრის მოხსენებას, რომელსაც კონფერენციაზე რეგისტრირებული ყველა მონაწილე დაესწრება.

პანელური სესია კი გულისხმობს კონფერენციისთვის წარდგენილი პანელის წევრთა მოხსენებებს (5 მომხსენებელი), რომლებიც კონფერენციის განმავლობაში პარალელურად იმართება სხვადასხვა აუდიტორიაში და მასზე დასწრება შეუძლია ნებისმიერ დაინტერესებულ პირს კონფერენციის მონაწილეთაგან.

კონფერენციის პროგრამა მომზადდება როგორც ბეჭდური, ისე ელექტრონული ფორმით, ქართულ და ინგლისურ ენაზე, გადაეცემათ მონაწილეებს და განთავსდება ორგანიზაციის ვებგვერდზე.

მონაწილეობის ხარჯები

კონფერენციაში მონაწილეობისთვის არ არის დადგენილი სარეგისტრაციო გადასახადი. ყველა მონაწილე ინდივიდუალურად (მივლინება, უნივერსიტეტის გრანტი და აშ) უზრუნველყოფს კონფერენციაში მონაწილეობის ხარჯების (მგზავრობა, დაბინავება და სხვა) დაფინანსებას. ჟან მონეს კათედრა უზრუნველყოფს მონაწილეთა კვებას (ლანჩი).

მონაწილეობისთვის შეთავაზებული იქნება ფასდაკლების პირობები ქ. ბათუმში სასტუმროში დაბინავებისას. ბათუმის სახელმწიფო უნივერსიტეტი მონაწილეობისთვის, განსაკუთრებით ახალგაზრდა მეცნიერთათვის გამოყოფს ადგილების გარკვეულ რაოდენობას უფასოდ უნივერსიტეტის საცხოვრებელში. ორგანიზატორი დაეხმარება მონაწილეებს მგზავრობის, სასტუმროს დაჯავშნის, ასევე სხვა ტექნიკური საკითხების ორგანიზებაში.

პლენარული სესიის თემა და მოწვეული მომხსენებლები

პლენარული სესიის თემისა და მოწვეული სპიკერების შესახებ მოგვაცინებით გაცნობებით.

ინდივიდუალური მოხსენებები და პანელები

ყოველწლიური კონფერენცია გაიმართება პარალელური პანელური სესიების ფორმით, რომლებიც ჩატარდება კონფერენციის განმავლობაში და შედგება შერჩეული მოხსენებებისგან. ჩვენ ვიწვევთ ყველა დაინტერესებულ პირს შემოგთავაზონ სრულად ჩამოყალიბებული პანელები ან ინდივიდუალური მოხსენებები, რომლებიც ეხება ევროპული სწავლებების ნებისმიერ სფეროს.

ვის შეუძლია კონფერენციაში მონაწილეობა?

კონფერენციაში მონაწილეობა არ შემოიფარგლება მხოლოდ იურისტებით და არც ცნობილი მეცნიერებით. კონფერენციაში მონაწილეობა შეუძლიათ როგორც საქართველოს მოქალაქეებს, ისე უცხოელებს. ჩვენ მივვსალმებით მოხსენებებს, რომლებიც გვთავაზობენ მულტიდისციპლინურ პერსპექტივებს კონფერენციის თემებთან მიმართებით სამართლის სხვადასხვა სფეროდან (მათ შორის, სამოქალაქო, სისხლის სამართლის, საგადასახადო და შრომის სამართალი), ასევე ჰუმანიტარული და სოციალურ მეცნიერებიდან (მაგ. ისტორია, ეკონომიკა, პოლიტიკური მეცნიერება, სოციოლოგია). ჩვენ ასევე მივვსალმებით მოხსენებებს როგორც უფროსი, ისე უმცროსი მეცნიერების (მათ შორის დოქტორანტების), ასევე დაინტერესებული პრაქტიკოსებისგან.

გთხოვთ გაითვალისწინოთ, რომ თითოეულ მონაწილეს კონფერენციისთვის შეუძლია წარმოადგინოს არაუმეტეს 2 ნაშრომი (ავტორი თუ თანაავტორი) და შეუძლია მონაწილეობა მიიღოს - როგორც მომხსენებელმა, პანელის თავმჯდომარემ, დისკუსანტმა - არაუმეტეს 4 პანელში, იმ პირობით, რომ შესაძლებელი იყოს პანელის იმგვარად დაგეგმვა, რომ ოთხივე პანელში ეს პირი შეძლებს მონაწილეობას.

პანელის წარდგენა

ჩვენ მივესალმებით სრულად ჩამოყალიბებული პანელების წარდგენას. სრულად ჩამოყალიბებული პანელის განაცხადი უნდა შეიცავდეს მინიმუმ სამ, მაგრამ არაუმეტეს ხუთ პრეზენტაციას მეცნიერთა მიერ, რომლებიც წინასწარ შეთანხმდნენ მონაწილეობაზე. ერთი პანელისთვის განკუთვნილი სამუშაო დრო როგორც წესი არის 90 წუთი.

პანელი უნდა ჩამოყალიბდეს იმგვარად, რომ ასახავდეს ვალდებულებებს გენდერული ბალანსის, თაობათაშორისი დიალოგის, რეგიონული და პოლიტიკური მრავალფეროვნების მიმართ. აუცილებელია პანელის შემადგენლობაში მომხსენებლად წარმოდგენილი იყოს სულ მცირე ერთი ახალგაზრდა მეცნიერი (დოქტორანტი, მაგისტრი და აშ). პანელის განაცხადში უნდა მიეთითოს პანელის ერთი თავმჯდომარე, ერთი ან ორი დისკუსანტი, რომელიც შეიძლება იყოს პანელის თავმჯდომარე და/ან მომხსენებელი (თავმჯდომარის და დისკუსანტის როლი გულისხმობს მაქსიმუმ ხუთი ადამიანის უფლებას პანელზე).

ყველა სრულად ჩამოყალიბებულ პანელი უნდა შეიცავდეს (ა) მომხსენებლების, (ბ) თავმჯდომარის და ასევე შეიძლება შეიცავდეს (გ) დისკუსანტების სახელებს. ასევე განაცხადში მითითებული უნდა იყოს პანელის თითოეული მონაწილის კონფერენციის რეგისტრაციასთან დაკავშირებული ელექტრონული ფოსტის მისამართი. ორგანიზატორი კონფერენციასთან დაკავშირებულ ყველა საკითხზე მონაწილეებთან კომუნიკაციას განახორციელებს მხოლოდ ამ ელ. ფოსტის მეშვეობით.

იმ შემთხვევაში თუ თქვენი პანელი მოიცავს 1 ან 2 დისტანციური მოხსენებას, გთხოვთ პანელის რეგისტრაციისას მოხსენების სათაურში მიუთითეთ თქვენი ნაშრომი წარდგენილია პერსონალური თუ ვირტუალური მონაწილეობისთვის.

ინდივიდუალური მოხსენებები

ჩვენ მივესალმებით ინდივიდუალური მოხსენებების წარდგენას ნებისმიერ საკითხზე, რომელიც დაკავშირებულია კონფერენციის თემასთან. თუ ნაშრომი მიიღება კონფერენციისთვის, იგი გახდება ჟან მონეს კათედრის მიერ ორგანიზებული პანელის ნაწილი.

მოხსენების სრული ვარიანტი

კონფერენციაზე ფაქტობრივი ნაშრომების სრული სახით წარდგენა საჭირო არ არის. მონაწილე რეგისტრაციისას აგზავნის მხოლოდ მოხსენების აბსტრაქტს.

გამოქვეყნება

კონფერენციის დასრულების შემდეგ, სათანადო რაოდენობის სრული მოხსენებების (სტატია) არსებობის შემთხვევაში, საორგანიზაციო კომიტეტი განიხილავს მათ გამოქვეყნებას კონფერენციის კრებულში ან რედაქტირებულ წიგნში. კრებულის ელექტრონული ვერსია განთავსდება ჟან მონეს კათედრის ვებგვერდზე. საორგანიზაციო კომიტეტის გადაწყვეტილებით, შესაძლებელია იგივე ფორმით გამოქვეყნდეს მოხსენებების აბსტრაქტების კრებული.

კონფერენციის სერტიფიკატი

კონფერენციის ყველა მონაწილეს (მომხსენებელს) გადაეცემა მონაწილეობის დამადასტურებელი შესაბამისი სერტიფიკატი.

პანელი უცხოურ ენაზე

საქართველოს კონფერენცია ძირითადად ჩატარდება ქართულ ენაზე, თუმცა შესაძლებელი იქნება უცხოელი კოლეგების მონაწილეობა ინგლისურ ენაზე. ამ შემთხვევაში მოხსენებები ან სრული პანელი წარმოდგენილი უნდა იყოს ინგლისურ ენაზე. უცხოელები საქართველოს კონფერენციაში მონაწილეობას მიიღებენ სრულად საკუთარი ხარჯებით, შესაძლებლობის შემთხვევაში ორგანიზატორი უზრუნველყოფს კვებას (ლანჩი). კონფერენციის შესახებ სრული ინფორმაცია ინგლისურ ენაზე განთავსდება ჟან მონეს კათედრის ვებგვერდზე.

შერეული პანელი ქართველი და უცხოელი ავტორების მონაწილეობით

ინგლისურენოვანი პანელის გარდა, ჩვენ ასევე მივსვალმებით ქართველი მეცნიერების მიერ თავიანთი უცხოელ კოლეგებთან ერთად ერთობლივი პანელების ორგანიზებას, რომელიმე ევროპულ ენაზეც. ასეთ შემთხვევაში პანელის ორგანიზატორი უზრუნველყოფს უცხოელი მონაწილის მოხსენების, კითხვების თუ დისკუსიის თარგმნას სხვა მონაწილეებისთვის საკუთარი პასუხისმგებლობით.

კონფერენციის მედია მხარდაჭერა და გაზიარება

კონფერენციის პროგრამა, ყველა სხვა ინფორმაცია განთავსდება ბათუმის შოთა რუსთაველის სახელმწიფო უნივერსიტეტის და ჟან მონეს კათედრის ვებგვერდებზე. კონფერენციის ამსახველი ყველა ინფორმაცია (ფოტო, ვიდეო, ტექსტი) გამოქვეყნდება სოციალურ მედიაში (Facebook, Twitter, LinkedIn, YouTube), კონფერენცია შესაძლებელია

გაშუქდეს ტელევიზიით. გთხოვთ დაუკავშირდეთ საორგანიზაციო კომიტეტს თუ აკადემიური მიზნებისთვის ზემოთ აღნიშნულ პლატფორმებზე თქვენი ფოტოს გამოქვეყნების წინააღმდეგი ხართ.

როგორ და როდის უნდა წარადგინოთ განაცხადი?

ყველა განაცხადის წარდგენა უნდა განხორციელდეს ჟან მონეს კათედრის ვებგვერდის მეშვეობით **2023 წლის 30 ივნისამდე**. რეგისტრაციის გვერდზე წვდომისთვის გთხოვთ, [დააწკაპუნოთ აქ](#).

2023 წლის ყოველწლიურ კონფერენციასთან დაკავშირებით ნებისმიერი შეკითხვისთვის გთხოვთ დაგვიკავშირდეთ ელექტრონული ფოსტით: info@jeanmonnetchair.edu.ge ან jeanmonnetbsu@gmail.com

ჟან მონეს კათედრა

„ევროპის კავშირის ძირითადი ღირებულებები: დემოკრატია, კანონის უზენაესობა და ადამიანის უფლებების დაცვა“

ბათუმის შოთა რუსთაველის სახელმწიფო უნივერსიტეტი

With the support of the
Erasmus+ Programme
of the European Union



ჟან მონეს კათედრა დაფინანსებულია ევროკომისიის მიერ ერაზმუს + პროგრამის ფარგლებში, რომელიც მიზნად ისახავს ევროკავშირის ღირებულებების პოპულარიზაციას, ევროკავშირის შესახებ კვლევებისა და სწავლების განვითარების ხელშეწყობის გზით.